



ხაშურის მუნიციპალიტეტის საკრებულო



განკარგულება № 107

2016 წლის 7 ნოემბერი

ხაშური

„ხაშურის მუნიციპალიტეტის გამგეობის განათლების, კულტურის და სპორტის სამსახურის მიერ 2016 წლის 1 იანვრიდან 2016 წლის 31 ოქტომბრის ჩათვლით გაწეული სამუშაოების შესახებ“ ხაშურის მუნიციპალიტეტის გამგეობის განათლების, კულტურის და სპორტის სამსახურის მიერ წარმოდგენილი ანგარიშის შეფასების თაობაზე“

საქართველოს ორგანული კანონის „ადგილობრივი თვითმმართველობის კოდექსის“ 24-ე მუხლის 1-ლი პუნქტის „გ.ა“ ქვეპუნქტის საფუძველზე, 2016 წლის ნოემბრის თვეში გამგეობის განათლების, კულტურის და სპორტის სამსახურს საკრებულოს სხდომაზე განსახილველად დაევალა 2016 წელს გაწეული სამუშაოების შესახებ ანგარიშის წარდგენა.

საქართველოს ორგანული კანონის „ადგილობრივი თვითმმართველობის კოდექსის“ 61-ე მუხლის 1-ლი და მე-2 პუნქტის და 24-ე მუხლის 1-ლი პუნქტის „გ.ა“ ქვეპუნქტის შესაბამისად ხაშურის მუნიციპალიტეტის საკრებულო ადგენს:

1. დადებითად შეფასდეს ხაშურის მუნიციპალიტეტის გამგეობის განათლების, კულტურის და სპორტის სამსახურის მიერ წარმოდგენილი ანგარიში „ხაშურის მუნიციპალიტეტის გამგეობის განათლების, კულტურის და სპორტის სამსახურის მიერ 2016 წლის 1 იანვრიდან 2016 წლის 31 ოქტომბრის ჩათვლით გაწეული სამუშაოების შესახებ“ (დანართი N1 თან ერთვის ოთხ ფურცლად).
2. განკარგულება ძალაში შედის ხაშურის მუნიციპალიტეტის საკრებულოს ვებ-გვერდზე www.khashuri.org.ge გამოქვეყნებისთანავე.
3. განკარგულება დაინტერესებული პირის მიერ შეიძლება გასაჩივრდეს ხაშურის რაიონულ სასამართლოში სარჩელის წარდგენის გზით მისი გაცნობის დღიდან ერთი თვის განმავლობაში (მისამართი: ხაშური, კოსტავას ქ. №15)

საკრებულოს თავმჯდომარე



ვაჟა შუბითიძე

ხაშურის მუნიციპალიტეტის გამგეობის განათლების, კულტურის და სპორტის სამსახურის მიერ 2016 წლის 1 იანვრიდან 2016 წლის 31 ოქტომბრის ჩათვლით გაწეული საქმიანობის შესახებ

ხაშურის მუნიციპალიტეტი განსაკუთრებულ ყურადღებას უთმობს კულტურულ და სპორტულ ღონისძიებებს. მიმდინარე წლის დასაწყისში, იანვრის თვეში, ტრადიციულად, საზეიმოდ აღინიშნა შობა-ახალი წლის დღესასწაული. ახალი წლის ღამეს, ღია ცის ქვეშ, შოუ-ბიზნესის ცნობადი სახეების მონაწილეობით გაიმართა კონცერტი, რომელიც დასრულდა ფეიერვერკით.

მარტის თვეში აღინიშნა 3 მარტისა და 8 მარტის დედათა და ქალთა საერთაშორისო დღისადმი მიძღვნილი ღონისძიებები. 3 მარტს ჩვილი ბავშვისთვის საჭირო ნივთებით დასაჩუქრდნენ სამშობიარო სახლში მყოფი დედები, ხოლო სარვამარტოდ დასაჩუქრდნენ მუნიციპალიტეტის უხუცესი პედაგოგი ქალბატონები. საქალაქო კულტურის სახლში გაიმართა ქალთა დღისადმი მიძღვნილი ფესტივალი „იავნანა“.

მარტის თვეში ხაშურის სამუსიკო სკოლის დარბაზში შედგა შეხვედრა თანამედროვეობის გამოჩენილ პოეტთან, ტარიელ ხარხელაურთან.

მარტის ბოლოს, ხაშურის მუნიციპალიტეტს სტუმრობდა ისრაელის სახელმწიფოს ქალაქ რამლას ოფიციალური დელეგაცია. ორ ქალაქს შორის გაფორმდა მეგობრობის მემორანდუმი.

9 აპრილს ჩატარდა დაღუპულთა ხსოვნისადმი მიძღვნილი ღონისძიება.

9 მაისს, დიდ სამამულო ომში გამარჯვების 71 წლისთავისადმი მიძღვნილი ღონისძიებების ფარგლებში გვირგვინებით შეიმკო დაღუპულთა მემორიალი, გაიმართა ვეტერანებთან შეხვედრა და სანახაობრივი წარმოდგენა, სადაც მუნიციპალიტეტის ბავშვთა და მოზარდთა შემოქმედებითი განვითარების ცენტრის მოსწავლეებმა და კულტურის ცენტრების გაერთიანების ფოლკლორული და საესტრადო ანსამბლის წევრებმა საინტერესოდ წარმოაჩინეს საკუთარი შემოქმედება. თითოეულ ვეტერანს -საჩუქრად გადაეცა სასურსათო პაკეტი.

მაისის თვეში, სურამის კულტურის ცენტრში ჩატარდა შემოქმედებითი გაერთიანება „ეროვნული იმპერატივის“ სპექტაკლი „საუკუნის მკვლელი-გზა ილიასი“, ხოლო ხაშურის საქალაქო კულტურის ცენტრში თავისუფალი თეატრის სპექტაკლი „ჯინსების თაობა“ და მსახიობ ლეო ანთაძის მონო-სპექტაკლი „ბახტრიონი“.

ზაფხულის პერიოდში სახალხო თეატრმა წარმოადგინა სპექტაკლი „უფროსი ვაჟი“. ხოლო კულტურის ცენტრთან არსებულმა განახლებულმა დრამატულმა თეატრმა შემოგვთავაზა სპექტაკლი „სიყვარული იმერულად“.

წლის განმავლობაში, პერიოდულად, სამუსიკო სკოლის წარმატებული მოსწავლეები უინანსდებოდნენ სხვადასხვა დონის ადგილობრივ თუ საერთაშორისო კლასიკური მუსიკის ფესტივალ-კონკურსებზე მონაწილეობისათვის.

ასევე დაფინანსდა ბავშვთა და მოზარდთა შემოქმედებითი განვითარების ცენტრის ქორეოგრაფიული ანსამბლი „დაისი“ ხელოვნების ფესტივალში მონაწილეობისათვის. ფინანსური დახმარება გაეწია კულტურის ცენტრებთან არსებულ საესტრადო ანსამბლ „ციცინათელას“ სოლო კონცერტის ჩატარებისათვის და საბავშვო და ახალგაზრდულ საგუნდო-ეროვნულ კონკურსში მონაწილეობისათვის.

პერიოდულად, ფინანსური მხარდაჭერა აქვს ფოლკლორულ ანსამბლს „ქართლი“ ხალხური სიმღერის კონკურსებში მონაწილეობისათვის. ქორეოგრაფიული ანსამბლი „ფრესკა“ გამგეობის დაფინანსებით გაემგზავრა ლატვიის ქალაქ ბაუსკაში, ანსამბლ „ჟანდალსის“ საიუბილეო ღონისძიებებზე მონაწილეობის მისაღებად.

განათლების, კულტურის და სპორტის სამსახურის მიერ დაფინანსდა შემოქმედებითი კოლექტივების შესაბამისი ფორმებით უზრუნველყოფა.

ხაშურის კულტურულ ცხოვრებაში განსაკუთრებული წვლილის შეტანისათვის ასევე განსაკუთრებულად აღინიშნა ორი ქალბატონის, ნანი გაჩეჩილაძისა და ლიანა ტატიშვილის საიუბილეო თარიღები და საზეიმო ვითარებაში გაიხსნა მათი ვარსკვლავები.

სხვადასხვა ღონისძიებით აღინიშნა საქართველოს დამოუკიდებლობის დღესთან დაკავშირებული კვირეული. 26 მაისს კი, საქალაქო კულტურის ცენტრში გაიმართა დასკვნითი გალა-კონცეტი.

1 ივნისი, ბავშვთა დაცვის საერთაშორისო დღე საზეიმოდ აღინიშნა ქალაქის კულტურისა და დასვენების პარკში, ღია ცის ქვეშ. ღონისძიების მონაწილე თითოეული პატარა დასაჩუქრდა. საქალაქო კულტურის სახლში კი, გაიმართა კონცერტი მუნიციპალიტეტის საბავშვო ბაღების აღსაზრდელთა მონაწილეობით. ბაღის ყველა კურსდამთავრებული დასაჩუქრდა.

მუნიციპალიტეტში ფოლკლორისა და ტურიზმის განვითარების მიზნით, მიმდინარე წლის ზაფხულში, დაბა სურამში, ბაიანთხევის ტყე-პარკში ჩატარდა ფესტივალი „არტ გენი“. ფესტივალის ფარგლებში მოეწყო ხალხური რეწვის ნიმუშების გამოფენა, ღვინის დეგუსტაცია, ქართული ხალხური საბრძოლო ხელოვნების ჩვენება „შავფაროსნების“ შესრულებით, როგორც ადგილობრივი, ასევე მეზობელი მუნიციპალიტეტების ფოლკლორული და ქორეოგრაფიული ანსამბლების დათვალიერება. ფესტივალი დასრულდა მუსიკალური ჯგუფების „რაჭველებისა“ და „ფრანის“ კონცერტით.

პერიოდულად იმართება კონცერტები სხვადასხვა ფოლკლორული ჯგუფების (ბასიანი, იალონი, მზეშინა, აღსავალი, რაეო) მონაწილეობით. სამუსიკო სკოლის საკონცერტო დარბაზში გაიმართა გორის ქალთა კამერული გუნდის კონცერტი. ასევე, წლის განმავლობაში, იმართება კონცერტები ახალგაზრდა მსმენელის მოთხოვნის შესაბამისად. გაიმართა რამდენიმე საქველმოქმედო აქცია.

2008 წლის 8 აგვისტოს რუსეთ-საქართველოს ომის ხსოვნასთან დაკავშირებული კვირეული აღინიშნა ღონისძიებებით. გვირგვინებით შეიმკო ომში დაღუპულთა საფლავები.

ასევე გვირგვინით შეიმკო 27 სექტემბერს, სოხუმის დაცემის დღეს, აფხაზეთის ომში დაღუპულთა მემორიალი.

აქცია „გააფერადე გადასასვლელი“-ს ფარგლებში მოიხატა ფეხით მოსიარულეთა გადასასვლელი კულტურისა და დასვენების პარკისა და ხაშურის #3 საჯარო სკოლის ტერიტორიაზე. აქციაში ჩართული იყვნენ ბავშვთა და მოზარდთა შემოქმედებითი განვითარების ხატვის წრის მოსწავლეები.

2016 წლის სექტემბრის თვეში გაიმართა სახალხო დღესასწაული „ხაშური – ოქროს შემოდგომა 2016“ და ქართველი და უკრაინელი ხალხების მეგობრობის დღესასწაული „ლესიაობა“. ღონისძიებებზე ვუმასპინძლეთ ექვსი ქვეყნის: უკრაინის, ბელორუსიის, ლიტვის, ლატვიის, პოლონეთის და შვედეთის დამეგობრებული ქალაქების დელეგაციებს; ამ დღესასწაულთან დაკავშირებით კულტურისა და დასვენების პარკში და საზეიმოდ გახსნილ ყაზბეგის ქუჩის მონაკვეთში მოეწყო გამოფენები, მცირე საკონცერტო ნომრები, ღვინისა და თაფლის დეგუსტაცია, სოფლის ნობათის გამოფენა-დაგემოვნება.

დღესასწაულზე საზეიმოდ დაჯილდოვდნენ საპატიო ხაშურელები, დამსახურებული სპორტსმენები და 100%-იანი დაფინანსების მქონე 13 სტუდენტი. სახალხო დღესასწაულზე გაიმართა ჯგუფ „ეგარი“-ს კონცერტი.

ახალგაზრდობის სულიერი და ინტელექტუალური განვითარების თვალსაზრისით, ხაშურის მუნიციპალიტეტის საჯარო სკოლების უფროსკლასელთა შორის ჩატარდა ინტელექტუალური თამაში „ბიგ რაუნდი“. ჩვენივე დაფინანსებით ფინალური შეხვედრა გაიმართა ზღვისპირა ქ. ქობულეთში, სადაც ფინალში გასული სკოლების გუნდები და გამარჯვებული, ხაშურის #8 საჯარო სკოლის მოსწავლეები დაჯილდოვდნენ სამახსოვრო მცირე ფასიანი საჩუქრებით.

ამასთანავე, ორგანიზება გაეწია საქართველოს სპორტისა და ახალგაზრდობის საქმეთა სამინისტროს მიერ გამოცხადებულ ინტელექტის დღესთან დაკავშირებულ კონკურსს.

სხვადასხვა პერიოდში, გამგეობის მხარდაჭერით, მოეწყო გამწვანების აქციები მოსწავლე-ახალგაზრდობისა და საჯარო სამსახურებში დასაქმებულ პირთა მონაწილეობით, გაიმართა ახალგაზრდული კონფერენცია თემაზე „ადამიანი, კანონი, თავისუფლება“, ჩატარდა მედია-პროექტ „ეტალონის“ მორიგი შეხვედრა.

მუნიციპალიტეტის მხრიდან მუდმივად ხდება ხაშურელი წარმატებული ახალგაზრდების ხელშეწყობა, რაც ითვალისწინებს მათ ჩართულობას მთელი ქვეყნის მასშტაბით გამართულ სხვადასხვა პროექტში. ასევე მოხდა ახალგაზრდული სასკოლო ოლიმპიადის მხარდაჭერა და საჭირო ინვენტარით უზრუნველყოფა.

ოქტომბრის დასაწყისში საზეიმოდ აღინიშნა მასწავლებლის დღე. ფასიანი საჩუქრებით დაჯილდოვდნენ წარმატებული მასწავლებლები.

ხაშურელი ხელოვანების წახალისებისა და მათი შემოქმედების უკეთ წარმოჩენის მიზნით უკვე მომზადდა და უახლოეს პერიოდში გამოიცემა პოეტების, კლარა გელაშვილისა და ალექსანდრე ღონღაძის ლექსების კრებულები.

ხაშურის მხარეთმცოდნეობის მუზეუმის მიერ გამოიცა ორტომეული „დიმიტრი ყიფიანი“, მომზადდა და გამოიცა ქართულ და ინგლისურენოვანი გზამკვლევი „ხაშურის რაიონი“.

აღინიშნა სახალხო დღესასწაული „ყიფიანობა“.

რესტავრაცია გაუკეთდა მუზეუმში დაცულ ექსპონატებს: არქეოლოგიურ ჭურჭელს, დოკუმენტებს, ფოტოებს. მუნიციპალური დაფინანსებით შესყიდულია ანტიკური და ფეოდალური ხანის ნუმიზმატიკური, არქეოლოგიური და ეთნოგრაფიული ნივთების კოლექცია.

სამუზეუმო გაერთიანებაში, წელს პირველად, აღინიშნა მუზეუმის საერთაშორისო დღე, რომლის ფარგლებში გაიმართა კვირეული. ჩატარდა საინტერესო ღონისძიებები, მოეწყო ხაშურელი მხატვრების გამოფენა.

წლის განმავლობაში მრავალი საინტერესო ღონისძიებით გამოირჩეოდა ხაშურის მუნიციპალიტეტის ბიბლიოთეკა. საბიბლიოთეკო საქმიანობასთან და საგანმანათლებლო პროგრამებთან ერთად მნიშვნელოვანი იყო ისეთ თანამედროვე და აქტუალურ მოღვაწეებთან შეხვედრა, როგორებიც არიან მწერალი გიორგი კეკელიძე და საზოგადო მოღვაწე გელა ჩარკვიანი.

საქართველოს მასშტაბით ჩატარებულ კონკურსში, “თანამედროვე ტექნოლოგიები, ჩემი ბიბლიოთეკის მოდერნიზაცია” ხაშურის მუნიციპალიტეტის ბიბლიოთეკამ გამარჯვება მოიპოვა.

მოსახლეობაში და განსაკუთრებით ახალგაზრდა თაობაში ცხოვრების ჯანსაღი წესის დამკვიდრების თვალსაზრისით განხორციელდა სხვადასხვა დონის სპორტული შიდა, რეგიონალური, რესპუბლიკური და საერთაშორისო ტურნირები სპორტის შემდეგ სახეობებში: ფეხბურთი, კალათბურთი, ქართული ჭიდაობა, ჭიდაობა-ძიუდო, ჭიდაობა-სამბო, ბერძნულ-რომაული ჭიდაობა თავისუფალი ჭიდაობა, ჭადრაკი, ძალოსნობა. ხაშურის მუნიციპალიტეტის სასპორტო სკოლის აღსაზრდელებმა საპრიზო ადგილები მოიპოვეს ევროპის ჩემპიონატებზე ჭიდაობა სამბოში, თავისუფალ ჭიდაობაში და ძალოსნობაში. ასევე ჭიდაობის სხვადასხვა სახეობაში რესპუბლიკის მასშტაბით გამართულ ჩემპიონატებზე არაერთმა სპორტსმენმა მოიპოვა საქართველოს ჩემპიონის ტიტული და სხვადასხვა საპრიზო ადგილი.

სასპორტო სკოლის საფეხბურთო გუნდებმა მონაწილეობა მიიღეს 2005–2007 წლებში დაბადებულთა შორის გამართულ ნოდარ ახალკაცის სახელობის საერთაშორისო ტურნირზე, სადაც მოიპოვეს მეორე და მესამე საპრიზო ადგილები. სხვადასხვა ასაკობრივი საფეხბურთო ჯგუფები კი აქტიურად იყვნენ ჩართულნი და მონაწილეობდნენ ელიტ–ლიგისა და თბილისის მერიის თასის გათამაშების ტურნირებში.

ხაშურის საფეხბურთო გუნდ „ივერია“-მ ითამაშა საქართველოს მეორე ლიგის თასის გათამაშებაში და მოიპოვა II საპრიზო ადგილი.

ხაშურის მუნიციპალიტეტის გამგეობა გამოხატავს მხარდაჭერას და ვეტერან და მოქმედ სპორტსმენებს აფინანსებს საერთაშორისო მასშტაბით გამართულ ჩემპიონატებზე და შეკრებებზე მონაწილეობისათვის.

სპორტული ღონისძიებების ასიგნების ფარგლებში, მოხდა მწვრთნელის, გიორგი კვინიკაძის მივლინება ყაზახეთში ტრენინგ-სემინარებზე. სასპორტო სკოლის ოთხ დამსახურებულ მწვრთნელს (ბუხუტი ბუხრიკიძე, ბეგლარ ხარშილაძე, არჩილ მამულაშვილი, მალხაზ ნოზაძე) მიეცა ფულადი ჯილდო.

სოფლად სპორტის განვითარების და აღორძინების, ჯანსაღი ცხოვრების წესის დამკვიდრების მიზნით ხაშურის მუნიციპალიტეტის არაერთ სოფელში შეიქმნა ჯგუფები სპორტის სხვადასხვა სახეობაში, რომელშიც ვარჯიშობენ იქ მცხოვრები ახალგაზრდები. ისინი მონაწილეობენ როგორც ადგილობრივ და რეგიონალურ ტურნირებსა და ჩემპიონატებში, ასევე რესპუბლიკის მასშტაბით დაგეგმილ ჩემპიონატებშიც.

ქართული ჭიდაობის პოპულარიზაციის მიზნით მუნიციპალიტეტისა და შიდა ქართლის ქართული ჭიდაობის ფედერაციის მიერ უზრუნველყოფილი იქნა მუნიციპალიტეტის სხვადასხვა სოფლებში ჭიდაობის ორგანიზება-ჩატარება.